

Hmar Christian Fellowship, Delhi

Thupui: Khawvel po poah fe unla thil siemhai po po kuomah ChanchinTha hi hril ro. Marka 16:15

Executive Committee

Chairman Upa Dr Lalsiemlien Pulamte
Vice Chairman Pu L B Tuolte
Secretary Pu Herbert Lalsanglur
Asstt. Secretary Pu Lalthungsiem Thlawngate
Secy Fin (M) Pu Timothy Shakum
Secy Fin (G) Pu Darsuothang
Secy Evan. Pastor Lalditsak Inbuon
Membarhai: Pu Benjamin Khawbung
Pu H K Kawllienthang
Pu Hrangkaplien

Ex-off Members: Deptt Head-hai po
Pastor Laldisak Inbuon

Nuhmei Pawl Committee

Chairperson Pi Haulientling
Vice Chair. Pi Rohlun Hrangchal
Secretary Pi Chonghoi Inbuon
Asst. Secretary Dr Donny Tuolte
Fin. Secy (Gen) Pi Sari Ralsun
Fin. Secy (Msn) Pi Grace Khobung

Membarhai:

Pi Rengi Ruolngul Pi Darlienzo
Pi Hoilam Pi Lalrotluong
Pi Lalthuolhim

Thalai Pawl Committee

Chairman Tv Jessai Shakum
Vice Chairman Tv Johnson Hmar
Secretary Tv Zarzollen Infimate
Asst. Secretary Tv William Darngawn
Fin. Secy (Gen) Nk Esther Lalramhuol
Fin. Secy (Msn) Nk Dorothy Lalneizo
Music Secretary Tv Lalneilien Inbuon
Membarhai:
Nk Thlirnawnmawi Nk Kimi Pulamte
Tv Ramngailien Pu Vanlalmuon Joute
Tv Joseph Pakhuongte Tv Stephen L Ruolngul
Tv Jared Vardinthar Varte

Mission Field Thawktuhai

Pastor Lalsiesang Evan Raman Lal
Evan Jostna Lal Evan Rehana
Evan Vanlaltlan Amos Tv Joshua Sungte
Tv Sunil Rawat Nk Deepika
Nk Arpita Barua Nk Neha Lal
Evan Phirlienmawi Evan Pramod Kumar

Naupang Sande Sikul

Pu Laltiana Chhangte Superintendent
Pu Timothy Shakum Asstt. Supdt
Zirtirtuhai:
Pu Lalhmingtha, Pi Dr Lalsanghnem
Pi Zolienmawi, Pi Judith Sanate
Pi Lalnunmawi, Pi Vida Lalarzo
Nk Sari Buongpui, Nk Nienghoikim
Nk Betsy Ramtuokkim Hmar

Vengbuk Inkhawm Thuoituhai

Vikaspuri

Immanuel Khobung, Grace Khobung,
Lalhmingmawi

RK Puram

Suothang, LK Thagen, Haulientling

Safdarjung Enclave

Hrangkaplien, Edward Sungte, Lalhrietpui

Vasant Vihar

Darsuothang, Lalthungnhung, LH Hrangchal

Mahipalpur

Joseph Lalremlien, Robert Khobung, Margareth

Mehrauli

Robert Penatu, Jared V Varte, Kim Thlawngate

South Extension

Lalmuonthang, James Darngawn,
Chawnglienmawi

Munirka

C.L.Huola, Lalthuoisuk Pudaite, Lalremruot
Nungate

North Delhi

Dr. Robert Varte, Gordon Amo, Roselyn Buhrl

Gurgaon

Alan Sinate, Vanlalthuthlung, Dardingpui
*Khawvel popo a fe unla, thilsiem
popo kuoma Chanchin Tha hril ro.
(Mark 16:15)*

Hrepuitu : October 2010

Vol-5. No.10

October 2010



Hrepuitu

HMAR CHRISTIAN FELLOWSHIP DELHI CHANCHINBU

Isu Krista ringtu, Jentêlhai hamthatna

Jokebed - Israel thuoitu poimawhai hringtunu

U.P. Mission Field Nuhmei Pawlin an Kanna Ripawt

Chuong thil po po chu a hrepuitu in nih. (Luka 24:48)

Hrepuitu : October 2010

Hrepuitu

Hmar Christian Fellowship Delhi
Chanchinbu Thlakip Suok
Vol. 5 No. 10 (October, 2010)

Editor:

Upa Lalsiemlien Pulamte

Jt. Editor:

Pastor Lalditsak Inbuon

Editorial Members:

Lalchungsiem Thlawngate
Timothy Shakum

Address:

Editor, **Hrepuitu**,
14/16, MS Building,
NPL Colony,
New Rajinder Nagar,
New Delhi - 110060

Tel: 09868183268

Email: hrepuitu@yahoo.com

Lakman:

Copy khat Rs 10.00
Kum khat Rs 100.00

Suttu:

Upa Lalsiemlien Pulamte
(Hmar Christian Fellowship
Delhi aiin)

Hi chanchinbu-a hin Hmar Christian Fellowship Delhi le a rongbawlna chanchin a chuong a. A sunga thuhai hi Pathien rongbawlna hmangruoa hmanng nuom ta dingin hmangawng le lâksawng thei a nih a. Thawsuol le sukdiknaw pal thua ruok chu ahmangtu'n maw phur a tih. Ngaidân suklanga um(hai) hi HCF Delhi ngaidan a(n) ni chuong kher nawh.

- Editor

Editorial.....

Kristien Sungkuo Tha

Ieng sungkuo hi'm a na Kristien sungkuo thaa inbûk thei chu? Kristien sungkuo thaa chun Isu Kristain lalna a chang hlak. Chu insunga chun Krista ditnaw zawng thilhaiin hmun a chang thei nawh. Kristien sungkuo tha chun Krista inhnik zawng chu a'n hnikipui a, Krista du zawng a dupui a, Krista hmunuom zawng chu a hmunuompui a, Krista ngaisâng zawng a ngaisangpui hlak a nih. A khawthlîr dânin khawwêl dân a zui ta nawh.

Kristien sungkuo thaa chun nu le pain khawtlâng, hnam le Pathien rongbawlna kongah thuoitu tha an hringsuok hlak a. Nu-le-pa chun hnuoi hringnun chen chau dai ding an nauhai hlawtlingna lampui an sât pêk ngai naw a, hnuoi le taksa thina khêla vân ram chena dingin an ngirhmun ding a ngaituo pêk hlak a nih.

Josuaîn Israel hai kuomah "Kei le ka sung hai chun Lalpa rong a nih kan bawl ding" a ti angin Kristien sungkuo tha chun Lalpa rong an bawl tlâng hlak. Pathien rama le insung khawsaknaah an inthuruolin maksan bik le a hrat bik an um ngai nawh. Israelhai khomin nunau hai le an ran ruol hai chenin Pathien chawibiek dingin an insing a nih. Eini khom sungkuoa Pathien rong bawl le chawibiek dingin ei inpei a ngai a nih. Chu chauh ni loin ei thil nei hai le malsawmna ei dong hai hi a rongbawlna hmangruoa hmanng dingin a mi phût bok a nih.

Sungkuo tha indin le enkol dân ding inziekna khawvel lekhaburawn awm tak tak um mei a tih. Sienkhom hieng hai hin hnuoia dam sunga ding chau hlawtlingna lampui an mi kawkhmu thei. Thlân khêl tieng rama hlawtlingna amanih vân rama thangsuo dân ding ruok chu an mi hrilhm thei ta nawh. Hnuoia hlawtlingna le vân rama khawsak theina lampui chu Pathien thu chauin a mi kawkhmu thei. Chu chu chang dingin ei inditsakin ei infiel mol mol a nih.

Upa Lalsiemlien Pulamte

Hrepuitu : October 2010

Eden suolna lei khan misuol, Pathien le inkop thei ta lo hrim hrim kha, Isu Kristan kraws lêra a tuorna lei chau khan van khuo-le-tui ei hung ni ve thei tah. Hi lei hin hla siemtu khomin hnam tin Lal Krista chu nasa taka chawimawî dingin a mi phut a nih.

Kohran, Isu Krista ringtu Jentêlhai ei hang vangneiin ei hamthat dân chu Israelhaiin rinumna tamtak an tuor - hieng mi sala rinum taka intângna, tribulation (rinumna) kum sari sung zet an tuor ding dâm, Krista dodaltu sakolin a soisak ding dâm, chun mi hnam le ramah hnot dara an umna po po hi ei pumpel vong tahin ei la pumpel pei ding a nih. Isu Krista thisen hlutak zar chaua hi vangneiina hi ei dong a nih. Kohran hming ei zuk lamna zâra chun, eini HCFD khom Fellowship ei in ti nasan chu pawl hming put ei nuom naw lei a ni a, Isu Krista thisen leia sandamna changhai ei ni leiin Pathienin khawvel le inkop lo dinga a mi 'kohran' hai ei nih. A va tha dap dap de aw!

Kum sâng rorêl huna a kohran hai hin Isu Krista leh Israelhai chungah roreltuin eithang lem ding a nih. Taksaa Pathien hnam thlang, Israel hai nekin Krista thisen zara

i. Mainpuriah Pathienni Inkhawm tan a ni vat theina dingin,
ii. Evan. Phirlienmawin Vai tonga Pathienthu a hril vat theina dingin,
iii. St. Xavier School hi Kristien sikul a hung ni vat theina dingin,
iv. Ei misawnari hai nupa Pathien ramah inthuruol taka rong an bawl sunzom pei theina dingin,
v. Taksa damna hung beiseituhai po poin thlarau damna khom an chang ngei theina dingin,
vi. Ringtharhaiin ringtu an nina huoisen taka an suklang pei theina

Thlarau a hnam thlang, Jeltêl hai ei hamtha lem dai a nih. Mi thienghlim lawr zoa, khawvela inthokin mi chenchiltu Thlarau Thienghlim lakkieng a ni pha hmangaina bova khawvela la chênghai khawsak dan ding chu rinum hlang a tih, ngaituo ngam khom a ni nawh. Chu hun a chun, Jeltêl Isu Krista ringtuhai chu ei sandamna sukfamkimin um tang a ta, ei hringna chu Kristaa thupin um tâng a ta; chu pha chun natna hai, lungngaina hai, beidongna hai, tapna hai le thina hai suksiet thei ta lo ning a tih.

Isu Krista ringtu Jentêlhai hi ei hamthatna ringot hril hi a tawpna an naw a, Pathien mihai le a mit nauleng hai ei ni leiin A ditzawng a ei um chun mal mi sawm a ta, A thu ei awi naw ruok chun A mi hrem têi têi hlak ding a nih. Ei suol ei sima, A kuom tieng ei pan chun A mi lo ngaidam ding a nih. Pathien mihai ei ni leiin ei chungah Pathien khom a thîkthu a se êm êm a nih. Chuleiin, ei ni tin kalchawinaa hin Pathien ditzawng iem a na ti ngaituo rânin ei hringnun hi hmanng inla ti chu ei nuom tak zetin ei inditsak bok a nih. Lalpan a thu malsawm raw se. Amen.

Odingin Pathien kuomah hning ei tiu, vii. Ringtharhai hmelah Isu hmel ringnawtuhaiin an hmu theina dingin, viii. Ei misawnarihaiin taimâkna, huoisenna le Pathien Thlarau thanguina an dong zing theina dingin, ix. Shikhohabad-a inkhawmna hmun tha tak an nei vat theina dingin, x. Misawnarihaiin kum khat sunga Baibul le Baibul tract sem ding, ringtu laklut zat ding target an nei hai an tlâk theina dingin.

thiemnaw chang ei ni ding bah, Ama zâr chauin Pathien mihai, a nauhai hung ni theiin Israelhai le ngirhmun angkhatah ei hung um thei ta chuh. Baibul chîk taka suituhai chun ei Lalpa Isu Krista hi sawng hnua hung dingin an hril. A sawng khatna chu van boruok lai khin a vantirkohai leh tawtawrawt mûtin hnuoi hung sir lovin, Jentel mithienghlim (Lal le sandamtua pontuhai) hai a kuom tieng lak tungin um an ta; a sawng hninaa ruok chu Olive tlangah ama ngei taksa putin hnuoia a hungtum ding a nih. Hun remchanga hi sawng hni hai, ieng hun am, iengleiin am, ieng thil thil am hung tlung a ta ti chu la ngaituo nawk eitiu.

A sawng khatna ding hi ‘Rapture - mi thienghlim lawrkham’ tiin ei inbûk a. Hi huna hin van boruoka kohranhai (Ama ringtu Jentelhai) lâkin ei um ding a nih. Ei Lalpa Isu Krista ngei chu van sôm lai khin hungtum a ta, a mithienghlim lo thitah le la damhai a ruola zuk lak in ei um ding a nih hi hun a hin. Ama ringtuhai chau lêng a ta, a ringnawtuhai chu maksan an ni ding leiin mithienghlim lawr tiin ei ko baw a nih. Israelhai ruok chu hi hun a hin lak sain an um naw ding a nih. Pathien mithlang Israelhai ruok chu an tuornaa inthoka sansuokin kum sâng khat sung hi hnuoiah malsawmna tam tak dongin an la chêng hmunkhat ding a nih, chu chu kum sâng rorel ei ti chu a nih. Nisienlakhom, kum sâng lal ram indin hma hin ‘Rinumna Nasatak’ (The Great Tribulation) a um ding a nih. Pathien hunbi ruota thil tlung hrim hrim asan bovin a um ngai nawh. Rinumna hun bi khom hi Israelhaiin kum sâng khat ro an rêl ding a ni leiin

(Thup 20:4) hluo tlâka an um theina dinga Pathien hmangruo a nih. Hi huna hin Israelhaiin an lal Mesia an that pa kha khawvel sandamtu ding a hung, Laltak le thuneitutak a nih ti an hung hriet ding an tah. Chu pha chun Israel hnam po po huoikhawmin um an ta, Isu Krista pom nuom lova a hemdetu lemah an lo thang kha insirin tap pumin a kuom tieng pan an tih. A ni ngei, mitam takin Israelhai hamthat ding inhnarin Israel ni an inhawk hrim bok a. An leh, Israel in ti siin Israel lo ni tak tak naw inla, mithienghlim lawr a um phat, van boruoka laksain um ta d’al el inla chu a chanhai thlak hmel ngei. Ko kirthei hla ni ta si naw ni a. Israelhai khom hi ‘Rinumna Nasatak’ ei ti hun bi sung hin Isu Krista hi an Lal le Sandamtu, thuneitutak a nih ti le a thina le a thonawkna an ring nawa an pom nuom naw chun kum sâng lalram lut nawng an ta, vanram an kai naw ding a nih. Hla siemtu chun hieng hin a lo tih a,

*Lalpa hnam thlang Israelhai,
Nangni tlawm le chau hai;
A lungsietna’n a sandam cheu,
Inkhuntir ro hnam tin Lal chu.
Nangni Jentêl mi suol haiin,
Tuorna theinghil naw ro;
Hnena, lawmna, ama pein,
Inkhuntir ro hnam tin Lal chu.*

Hi hla thua khom hin chieng takin ei hmu thei a. Israelhai chu an thlatu Abraham a inthokin Pathien hnam thlang an ni leiin tuhin hnam tlawm le chau la ni hri hai sienkhom nakie le chuh Olive tlangah Isu Krista a hung tumpha chu rinumna raphlak taka inthokin a mithienghlim Israelhai chu sansuok a ta, kum sâng lalram indin pêk tawl a ta. Chu zova vanrama thuoi kain an um ding a nih. Jentelhai ruok

Hrepuitu : October 2010

Article....

U.P. Mission Field Nuhmei Pawlin an Kanna Ripawt Pi Haulientling Khawbung

Tukum HCF Delhi, Nuhmei Pawl inthung voi khatnaa kan agenda laia pakhat chu Uttar Pradesh-a Nuhmei Pawlin misawnari ei chawm Evan. Phirlienmawi va kan ding ti a nih. October 2, 2010-a fe dingin thu kan sukthluk a. Thuhrlitu dingin mi paruk lai kan thlang suok a, sienkhom tulai Delhi boruoka nat le sat a’nleng leiin a fe ding laia mi Dengue natnain a man khom kan um nuol bok. Kan fena ding hun a hnai deu deu, damnaw kan pung pei bok. R.K. Puram nuhmei pawl vengbuk kan tongtainaa chun “Lalpa, kan damnaw ding rau rau a ni khoma UP kan fe zo phaa dingin mi sukhnû pêk met la” kan ti zâk el a nih. Amiruokchu, Lalpan ei tongtainahai a don a, a hun takah kan fe thei leiin Lalpa inpakin um raw se. Mi 23 vel fe dinga kan riruong kha mi 17 kan fe.

(a) Shikhohabad (Evan. Pramod umna hmun)

Old Delhi Railway Stationa inthokin 2 October, zan dar 10:00-in train kan chuong tan a, zingtieng dar 3:00-in Shikhohabad kan tlung a. Railway stationa inthokin auto rickshaw-in minute 30 vel kan tlan hnungin ei misawnari Pramod hai umna hmun chu kan tlung a, a in kan pan nthal a. Mi lawmin an mi lo duot em em a, breakfast kan fak hnungin, biekina inkhom dingin kan suok a. Hnaite, sawlai el saw a nih an mi ti pek a, sienkhom sawt rei nilum hnuoiah kea kan fe hnungin kan tlung chau a nih. Kan hei tlung chu kan sawl tlang hle. An kohran membr laia mi, ringthar ina tuolpuk chu inkhawmnain an hmang a, hmun chite, ngaidi in a nih.

Inkhawmnaa hung chu mi 25-30 vel an na, conductor chu Evan. Vanlaltlan a nih. Vaitong hnesaw tak le Pathien thu hlim sieua hrila inkhawm a mi hei thuoi chu a’nhoi kher el. Hla kan hei sak chu hlim em emin kut an ben a, a’nhoi kher el. Keini a va kantuhai, Hmar Fellowship inkhawmnaa kut ben ngai rak naw hai

Hrepuitu : October 2010

khom Mision Field-a chu kan reengin kut kan ben ve thap thap el a nih. A boruok a zângin inhoi kan ti tlang hle. Pramod ka enin ka lungril a tawk em em. A nuhmei le a nauhaiin a rongbawlina an thlop nasa hle a, an nu’n thiem le hmunuom um khopin khuong bentuah a thang a, insim hmarin hla a sak pawk pawk a, nupa inhnarum tak niin ka hriet. Mi 5-in testimawni an hril a, ei hei ngaithlak chu eini hmu ang tho kha an hmu ve leiin lungril inthuk takah ‘Amen, Amen!’ ei lo ti ve zing el a nih. Krista thisen zara pumkhat eilo ni takzet zie a suklang a, Vai le Hmar a um nawh, ei unau hai, vanrama ei tuollengpui ding hai an nih. Testimawni ngaithlak a ni hnungin Pi Grace Khawbung le Pi Lalrotluong-in Pathien thucha an hril a, Pathienin a thangpui bok a, an ngai nuom em em. An tang fara, ‘Halleluia!’ ti hi an ret naw bok a, kan hlim tlang hle.

Thuhril zoin tongtaipui dinga mi beiseitu tamtak an um a, kan hma bulah an hung dingthathuon a, ngaituona chu a sei nuom rum rum khop el. Chun mani insitna hla a lien tuol tuol. Ka thawthei nisien chu aw! An beiseinahai po po kha inhlawtlingtir

ka nuom. Thawthei kan nei si nawh, 'Lalpa, nangin i thaw thei' tiin Pathien ngai em emin kan ko a ni tak.

Sun bu kan fak zo hnungin, in ngai em emin 'Kan la hung nawk ding a nih' tiin kan inthe pui. Mainpuri panin Magic Taxi-ah kan chuong a, sun dar 1:30 velin kan tlung.

(b) Mainpuri (Evan. Phirlienmawi umna hmun)

Mainpuri kan tlung fel chau maw ti chun Pastor Lalditsak a upa, Jakob thi thu kan hriet a. Kan inhnemna le mi tawiawmtu taka kan nei, Pastor Lalditsak le a nuhmei Pi Chonghoi haiin an mi kirsan a. Keini rawi chau kan hei um chu Isun a thuoihruoihai a maksan a an beidong ang el kha niin kan inngai a, bei chu a dong tho a nih. 'Lalpa, Lalpa, i remruot dan a va mak ngei de, kan prokram bek mi lan hmangzo tir ni la kan nuom vei leh' tiin ka tongtai zâk el a nih.

Chawhnung dar 3.00-in inkhawm kan tan a, mi 25 vel inkhawm dingin an hung. A hung hai chu nutling le patling changkâng tak tak deu vong an nih. A hung hai po po hin Evan. Phirlienmawi hi an nêlin an ngaina em em a nih ti hrietthei le hmutheiiin a um. Ngaisang a umin Pathien thuoina a dong tinaw ruol an nawh. Nk. Thlirawnmawi-in inkhawm a thuoi a, Vai tong a hnesaw el bakah tong dan a thiem bok, a fel hlein kan hriet. Mi pariet-in testimawni an hril a, hi taka mi pali hai chu inchûklai an nih [Rashmi, Class 12; Suman, Cl 11; Nutan, B.Sc. final le Manish, Cl 11]. Hieng mi pali hai hi DTS training-a fe an nuom seng a, an nuomna chu an hlawtling theina dingin tongtaipui ei tiu. Testimawni kan ngaithlak zoin, Pathien thucha

hrilna Pi Lalhrietpui, Pi Lalengmawi le Pi Lalhulhim haiin an nei a. Inkhawm a sawt a chu a nghok hmel khom an um nawh. Thuhiril chu an ngai nuom em em a, an tang far a, an lu an suk nghat nghat bok, an Hallelui deu zing bok, an hmel hai ei enin tha an suk fân em em.

Thuhiril zoin tongtaipui dinga mi beiseitu tamtak an hung intlar nawk a, an dingthathuon a an harsatna hai an hril a, khawhri-in a châng châng a soisak dâm le damnaw dâm anni tawl. Mani le mani insitna a nasa a, 'Kei chu ka mata ie' ti nuom a um rum rum el a nih. Têl an hung chawi a, kan kutah infar a an lu chung a inngkata tongtai pek an beisei a, chuongchun an lu chungah kut inngkatin kan tongtai pek tawl a. Mihai mi beiseina an sang si, thawpek thei ei nei bok si nawh, Pathien kuoma intlun chu kan thawpek theisun chu a ni el. Isu tongbau "Ka thang loin iengkhom in thaw thei si nawh (Jn15:5)" ti kha kan thupui a ni tak meu a nih. Mi tin, tiemtuhai po po ei tongtainahai nasa nawk zuolin thangpui ei tiu.

Inkhawm tinin St. Xavier School neitupa, Pradeep Thakur chun kan tongtai pek beiseiin a sikul hmun ngeiah thingpui dawn dingin a mi fiel tawl a. Hi sikul hi nikum 2009 May thlaa indin chau a nih. An indin tantir lai chun sikul naupang 40 chau an nei a, ei Misawnari Phirlienmawi hi tongtai pek dingin a lo fiel hlaak a, a tongtaina chu Pathienin a don a, tukum chu sikul naupang 300 chuong zet a nei an tah. Lalpa chu inpakin um rawse. Kristien la ni chie naw sienkhom, tongtaina hi a ring em em el a nih. Ei misawnari hin hi sikul dairy-a inchuon ding Baibul chang pahni a ziep pek a, chu chu tûk

Hrepuitu : October 2010

Isu Krista ringtu, Jentêlhai hamthatna

Pu Timothy Shakum

Zawlnei Isai hmanga a chanchin hrila um chu a hung tlung kim theina dingin:

"A hi a nih ka siehlaw thlang,
Ka hmangai le ka lawm êm êm chu;
A chungah ka Thlarau sieng ka ta,
Jentelhai chungah rorelna puong a ta,
Kalin râu khêk tawl naw ni a,
Kotthlerah tukhomin a rawl hre nawng an tih;
Hnena changa ro a rêl hma khat chun,
Luong por chu kei tan nawng a ta,
Mise ût khom sukmit naw nih;
A hming chu Jentelhai beisei

Inngatna tak ning a tih" ti hi (Mat 12:17-21)

Abram chu kum 99 mi a niin naw ruok chun a hrem têi têi hlaak. An Pathien a kuomah a hung inlâr a, suol an sima, a kuom tieng an pan chun Iengkimthawthei Pathien chun Abram a lo ngaidam nawk el hlaak. Pathien chu a hmaah kalchawiin, soisel bova mihai an ni leiin Pathien khom an um dingin a ti a. Hi an inkâra chungah a thikthu a se em em a nih. thuthlung chu suknghet ding le nasa taka a thlahai sukpong dingin Suolna leiin salah intangin thina chen Pathienin thutiem a siem bok a. lo tuok hai sienkhom an ta dingin kum Abram sang lalram buotsai pêk a ta, cho zova vanramathuoiakaiin an um ding a nih. chun chu thutiem chu a pom ti An leh, hienga Pathienin a mi inentirna dingin Pathien hmaa a thlanghai chung a zangaina a nei si bokkhuo ta a, Ama chun Abram chu chun khawvela midang po po, chu chu hnam tam tak pa hung ni ding le a Jentelhai iem an chan ni tâng a ta? ti hming khom Abram ni ta lovin zawna hi poimaw êm êm le hrietchieng 'Abraham' ni lem ta ding dâm, a thlahai makmaw chu a nih. tin paa siem a ni ding dâm, a thlahai

chu nasa taka sukpong ding dâm, amaa inthokin hnam tam tak indin ding dâm, amaa inthokin lalhai an hung suok ding dâm, a thlahai ta dinga an Pathien ni ding dam, a thlahai le an thlahai, suon la hung um pei ding hai tading khoma Pathienin thuthlung siemin a suknghet tah a.

Baibul a bula inthoka a tawp chen ei en chun Pathienin Israelhai chu an thlatu, Abraham zârin a mihaia a siem zie ei hmu thei a. Ama ngei khomin 'ka mihai, ka mit naulêng hai' a ti hiel a nih. A ditzawnga an um sung po chu mal a sawm a, a thu an awi

Kraws lera Beramte thisen hlutak luongsuok zarin Jerusalem tempul sunga puonzar chu inthlerin, chu zet chun Israel le Jentel indaidanna a um ta nawh. Isu Krista ringtu Jentelhai, Lal le Sandamtua pomtuhai chun Pathien mi nina an hung chang thei ta a, chu hai chu Pathien mihai le a mit nauleng hai tiin an hung um ta pei a nih. Hi hi annawm Krista hung ding a lo hrillaw laia zawlnei Isaiin 'A hming chu Jentelhai beisei, inngatna tak ning a tih' a lo ti chuh. Eini hai sandam dingin Isu Krista hung naw sien chu kumkuotluonga misuol/ chu

Hrepuitu : October 2010

an la naupang taluo ei tih a, thil la'n chùktir thei dingah ei ngai nawh. Ei nauhai thil inchùktir theia ei ngai hun hi chu a lo inkhé!l dèr ta h!ak a, an nunchang le mizie put ding hai a lo puitling dèr ta h!ak a nih.

Pathien thua inenkol dan ding chu Exo 6:5-9-ah ei hmuh a. "LALPA in Pathien chu in lungril po poin, in thlarau po poin, in hratna po poin in hmangai ding a nih. Voisuna thupèk ka pèk cheu hi lungrilah in vong zing ding a nih. In nauhai taima takin zirtír unla, ina in um chàng amanih, lama in lawn lai amanih, in zàl le tho pha amani khomin hril zing h!ak ro. Inchikna dingin bànah zem unla, in chalah hrén bok ro. Chun, in in kotkhàr bienga hai le in tuolkotah hai ziek bok ro". Pathien thu inhril le inchùktir hi thaw taluo a um nawh.

Jokebed chanchina inthoka thupèk ang deu thawa nù inti taphot hai zawm ding thil poimaw tak tak a um. Chuong hai chu

④ Pathien thua le nundân tha siemna kongah nau enkol inhmat ding.

Local Evangelist mamaw

Hmar Christian Fellowship, Delhi-in a membarhai laia rongbawl ding, Local Evangelist a mamaw a, inhnina (application) lekha 30 November 2010 chena pekthei a nih.

Qualifications:

(i) Thalaraua mi puitling tak a ni ding a nih

(ii) Pastor ordination chang tah/ pastor sin thaw lai/ retired pastor

(iii) Kum 65 neka upa lo

Conditions:

(i) Thla khata hlaw ding Rs 14,000 (consolidated)

(ii) Kum hnih sunga dinga contract ding

Sâp thuvarin 'Intan fûkin a chenve ei zo thei' a ti angin tan inhmat le intan fûkin a lampui chenve ei zo thei a nih.

(ii) Nû nina (motherhood) hi nina poimaw le sin puitling a nih. Ngaitha ding chi a ni nawh. Nû sin thaw that leia rambung chawimawina (national awards) a um nawh, sienkhom chu chun nû sin a suknêpin a sukhnuoi chuong nawh.

(iii) Nu-le-pa hi ei khât chauin ei thang nawh. Pathien le thangruol le thawtlâng (partnership) ei nih. Chuleiin, amaah inngat dân khom inchûk a tha. Hnuoi le van siemtu le thawtlâng chu a thlamuong thlâk naw maw? Hi thawtlangnaa hin nanging chanvo i nei a, Pathien khoma chanvo a nei ve a nih.

Nauhai enton tlâk dinga mani hringnun hmang. Hmangaina kongah, Pathiena inngatna kongah, thienghlimna kongah le thiltha dang thawna kongah nauhai enton tlâk le inchûkna tlâkah um ei tiu. Thuhril nèkin nungchang a khêk inring lem.

O (iii) Local Chairman/Secretary or Bielto Pastor-a inthok recommendation letter thonsa ding

(iv) Phek (page) hni neka tam lo, HNINA LEKHA (application letter) - ah inhnitu hmîng, pa hmîng, contact number, address, tuta sinthawna, experience le testimony zieka ahnuoia address ahin thawn ding a nih:

Application thonna ding:
Dr. Lalsiemlien Pulamte
14/16, MS Building,
NPL Colony, New Rajinder
Nagar,
New Delhi - 110060

Hrepuitu : October 2010

tin morning assembly-ah naupang haiin an hril ruol h!ak. Pathienin an lungrilah sin a thaw theina dingin tongtaipui ei tiu. A sikul tuolzawl hai chu tongtai malamin kan fang kuol a, malsawmna tamtak donga, ama ngei khom Isu Krista ringtu thatak a hung ni ngei theina dingin Pathien kuomah kan hni pek a nih.

Ka lungril tawk em em el chu Evan. Phirlienmawi a landlord, Shanker an ti pa hi a nih. A hmîng hin Vai pathien hmîng a put a, Kristien a hung ni phîng leh a hmîng a dit ta nawh a, ei misawnari-in a hmîng chu John tiin a lo thleng pek a. Amapan a thuhrilnaah "Shanker a thi ta a, tuhin John a hring an tah" a ti chun lungril a tawk em em. Ama chun thahnem a ngai em em a, Bible tract dâm a sem a, Pathien thu ngainuom hai chu ei misawnari kuomah a hung thuoi h!ak a nih. Anni sungkuo chu ground floor-ah an um a, first floor a chun lien tawk tak el in ruok a um a, chu chu inkhawmna'n kan hmang. An in chu mani in ang elin, an khum a dam kan inthung a, bathroom, toilet hai khom inphalam der loin kan hmang el a nih. Hmel voi khat inhmuna, innêl em emin, inngaina takin kan umtlang a, ka lungrilin Krista thisen hin chu a mi va hang sukhna! de aw! ka ti vong vong. Tirko Paula'n Pathien kohranhai lekha a thonaa Kristaa Unau a ti kha a lo inthûk ngot el, tuta tum hin a tak takin kan va tong ve a, Vaihai ei ti h!ak, kar h!a taka mi, midang ni h!ak hai kha, mihriem thisena inzom neka inthûk lem, Krista thisen zar chauin tuhin chu ei unauhai an lo ni ta lem.

Mainpuri le Shikhohabad-a testimawni an hril hai chun lungril a tawk thei em em. An hril tlangpui hai

Hrepuitu : October 2010

chu Hindu background anni thu le milimin (idol) thlamuongna a pek thei nawzie an hriet chieng tah a, an pathien lim hai po po dehawnin, tuhin chu Isu Krista chau kan zui ding an tah, ama'n thlamuongna a mi pek a, fesanin kir nawk ta ngai nawng kan tih an ti tawl.

Hi tuma thilmak tak pakhat chu, Mission field va kana kut ruoka fe ringot el chu tiin Committee membarhaiin kan hril tlang a. Kohran membarhai lai thawlawm dawl el ei tiu tiin thu kan sukh!uk a. Lalpan mihai lungrilah sin a thaw a, Cheng 13,200 lai a hung lut a, ei misawnarihai Cheng 5000 ve vein kan hung maksanpek thei bakah kan khorsaw hai a dai char, cheng khat khom a chuong a um der nawh. Nuhmei pawlin Faitham le Faith promise-a tangka sum ei pek hai le talent ei sukpung hai kha a thlawn nawh, Lalpan ra tamtak a min suo pek an tah ti chu mit ngeiin kan va hmu a nih. Lalram ta dingin sin thaw theina huntha Lalpa'n a mi pek lai hin thahnem ngai takin thaw zuol sau sau ei tiu. Boral ta lo dingin Lalpan Thlarau bohman tamtak a sansuok an tah. Eini hai hmangin a san suok sap pei ding a nih. Lalpan a mi hmang zui zing theina dingin intlada loin tongtaina leh ei theina chitah thaw zuol sau sau ei tiu. Thaw ding tamtak a la um, ram lak ding khom a la tam.

Tongtainaa mi santuhai bakah tangka suma mi thangpuituhai po po HCF Delhi Nuhmei Pawl hmangin in renga kuomah lawmthu kan hril. Lalpan a lêt tam takin malsawm raw sen cheu.

Tongtainaa hriet dinga thu lakkhawm hai:

Phek 11na a sunzawm...

Jokebed - Israel thuoitu poimawhai hringtunu
Pi Lalrotluong Pulamte

Josefa chu Faraw ditsakna changing Aigupta ram po po chungah hotuah a sie a. Chu chauh khom ni lovin, a unauhai chu Aigupta ram thatna tak le ram hnienghnarna Gusen ram a'n hluotir a. Aiguptaa chun Josefa chu kum za le sawm a dam a, a unauhai le anni hun laia suon po po chu an thi vong tah a. Israel thlahai chu chi tam tak inthlain Aigupta rama chun an hung pung em em tah. Aigupta rama chun Josefa hre ngailo lal thar a hung inlal a. Lal chun Israel mihai nasa taka an pung ti a hrietin a hawphur tan a, dawha thiema soisak a tum tah a. Chuongchun, anni suknomna dingin siehlaw vengtuhai a siem a. Sienkhom anni chun an soisak rimsi po leh an zuol a an indar nasa ting a. Aigupta mihai chun Israel mihai chu an ti ta hle el a, chuongchun nasa takin an sorin rawng takin an soisak a.

Lalpan Aigupta rama a mi, Israel hai an rimsikzie a hmu a. An sal intangnaa inthok thuoisuok dingin Lalpan thuoitu ding a lo zong zing a lo nih a. Chu huna Israel thuoitu ropui mi pathum - Aron, Miriam le Mosie hai nu, Jokebed a chanchina inthoka inchuk ding umhai chu suklang ei tum a nih. Aron hi Israel thiempu lal hmasa tak a nih a (Exo 28:1; 30:30) amaa inthokin thiempu nina a hung suok a nih. Miriam hi an leh hla phuok them le hlami a nih a, Faraw sipaihaia inthoka Israelhai Pathienin a sansuok khan hnena hla sakin Israel nuhmeihai a thuoi a (Exo 15:20). Mosie an leh Pathienin a mihai sansuoktu ding le Aiguptaa inthok thuoisuoktudinga a ruot a nih. Chun ama fe thlengin Dan Sawm a pek bok a nih. Jokebed hming hi Baibula hmun hniah (Ex 6:20; Nam 26:59) chauh hmu ding um sienkhom a nau hringsuokhai chanchina inthokin ei sui chun nu ngaisangum, nu huoisen, ringna hau le nu entontlak tak a tling a nih.

Israel mihai chu an hung pung hrat em lein Aigupta lal chun Hebrai nau dontuhai chu Hebrai mihai nau pasal pieng taphot chu Nile vadunga

peihawn pei a nuhmei po chu hla dingin thu a pek a. Sienkhom nau dontuhai chun Pathien an ti lein lal thu angin an thaw nawh. Hieng, hun harsat lai hin Levi sungkuoa pa pakhatin Levi chia mi bok nuhmeiah a nei a, anni hin nau pasal an nei a. Nau lawmum tak a ni ti an hmu chun thla thum sung an thup a. A tawpah an thup zing thei ta naw lein phairuong bawm an siem a alkatarain an zut phui a Nile vadung kama phairuong lai chun an sie a (Exo 2:1).

Juda nau pasal pieng taphot Nile vadunga peihawn dinga Faraw thuppek um sienkhom huoisen takin Jokebed-in Mosie kha thla thum sung zet a thup a. Aigupta mihaiin suoka an sor hnama mi, Jokebedin Lal thupek ti lova a naute a hum hin a nau a hmangaina le a huoisenzie a suklang. A thup thei ta naw phing leh phairuong bawm a siem a, chu sunga chun a nau chu siein Nile vadung kama phairuong lai chun a sie a. Hi taka khom hin Jokebed-in Pathien a ringna le amaah a'n ngatna a hrilfie nasa em em. Pathien sansuokna kut a nghak top a, chu sansuokna hung inlang ding a nghakna hmangruo chu thil dang rak

a ni naw a, phairuonga siem bawm a nih. Pathienin a sinthaw suklangna dingin thil dang rak a mi phut ngai nawh. Hmangruo narân le ei ringna chauh hi Pathienin a mi phut hla a lo nih. Jeriko kul chimna dingin thuawina, tawtawrawt ri le mipui khèk dur dur ri a hmang a, Goliatha hnena dingin David virvom (vailungdeng/saihli), vadungtea lung inmum, mansapui le beram vengna hmol a hmang a, chun mipui sang nga vaina dingin naupangte sun bu a hmang bok. Jokebed hin a thei tawp a suo hnungin Pathien sansuokna kut chu tu midanga inthok ni lo, Faraw insunga inthok bok a hung suok a nih. Mosie thina ding thupék hung suokna hmun boka inthok khan a sansuoktu ding a hung suok a nih. Pathien remruot dan hi amak thei khop el. Vadunga tui insil dinga fe Faraw naunu chun bawm chu a hmuh a, a hang hong chun naute Mosie chu a hmuh a, a lunginsiet ta em em a, ti Ex 2:5-6-ah ei hmuh.

Nau dontu ding a mamaw a, chu chu ral khata inthoka lo enthla zingtu Miriam chun Faraw naunu kuomah nau dontu ding zongpek dingin a ngen a, Faraw naunu chun a phalpek a. Nau dontu dingin tu midang ni lo, Mosie nu chu a hung thuoi a, Faraw naunu chun a'n dontir a, a don man hlaw chen khom a pek a nih. Nau donna hun sung a nei hi kum thum vel ni ding a na, chu zoa chun Faraw naunu kuomah pedok a ta, a enkol phak ta naw ding a nih. Chuleiin, a enkol/don thei sunga Pathien thu le an hnam chanchin zirtirna kongah Jokebedin thahnemngai taka Mosie a'n chuktir hi ring a um a nih. A nu inchuktirna le sin inrim ra chu chieng em emin Hebrai 11:24-27-ah hmu

dingin a um. "Ringnain Mosie a hung puitling hnung khan Faraw naunu naupaa inbuk a nuom naw a, sawt naw te sunga dinga suol inhoitirna chen nek chun Pathien mihai le suknomnat tuor chu a thlang tah lem a. Aigupta ram hausakna po po nek chun Krista an hmusitna chu ro hlu lemah a ngai a, lawmman a dong ding chu a thlir tlat a. Lal lungsen khom ti loin Aigupta ram chu ringnain a suoksan a, Hmutheilo chu a hmu lein sel takin a tuor a".

Jokebed hin a nau a enkol theina hun chu kum thum vel chauh a nei a. Thahnemngai takin chu hun chu a naupa a hmangpui a, hlawk takin a enkol puitling reng a nih. Kum thum sung vel chauin Mosie-ah hnam thuoitu ropui a'n dinsuok hman a nih. A thahnemngaina le a takinningna inpak tlak a tling tak zet. Eini hai hi teh, kum tam tak nau ei enkol hnung khoma thuoitu ropuia enkol puitling nek hmanin khawtlang ta dinga mi hnoksak le ei mitthli tlakna ding chau nau ei enkol el a man tah? Jokebed hlawtlingna bulpui pakhat ni dinga ka ngai chu a hun lai takah Pathien thuah nau a enkol tha a nih. Naupang inthanglien dan suituhai chun kum thum chena hin naupang nungchang, nunphung le zie hai hi za-ah sawmnga a puitling hman tah niin an hril. Kum ngaah lem chu za-ah sawm sari panga a tling hman. Chuleiin, naupangte an ni lai hin an puitling hnunga an um dan ding le nungchang ding tu le inchuktir a lo poimaw a nih. Hi lei hi ni naw nim, Thuvar 22:6-ah "Naupang chu lampui indik inchuktir la, a upat hnung khomin petsan ngai naw nih" a lo tih. Eini rawi, a tam lem ngaidan chun naupang kum 3-5 sung hi chu